



Reykjavík, 30. september 2024
MSS24090156

Borgarráð

Hlésgata 1, úthlutun lóðar og sala byggingarréttar.

Óskað er eftir að borgarráð samþykki að úthluta M3 fasteignaþróun ehf., kt. 611211-1390, Öldugötu 27, 101 Reykjavík, lóðinni Hlésgötu 1, og selja M3 fasteignaþróun ehf. byggingarrétt að lóðarinnar fyrir 1.782.500.000 kr. Heildarbyggingarmagn lóðarinnar er 17.120 m², sem skiptist með þeim hætti að alls um 10.710 m² eru íbúðarhúsnæði, um 790 m² eru atvinnu- og þjónustuhúsnæði og allt að 5.620 m² eru kjallrararými. Lóðin Hlésgata 1 er um 5.620 m² að stærð og heimilt er að byggja allt að 110 íbúðir í 2-5 hæða húsum í randbyggð. Auk greiðslu fyrir byggingarrétt greiðast um 205.604.656 kr. í gatnagerðargjöld. Heildargreiðsla fyrir byggingarrétt og gatnagerðargjöld eru 1.988.104.656 kr. Fyrir liggur staðfestingargreiðsla M3 fasteignaþróunar ehf. að fjárhæð 267.375.000 kr. sem gengur upp í byggingarrétt lóðarinnar. Eftirstöðvar vegna byggingarréttar eru 1.515.125.000 kr. Fjárhæð gatnagerðargjalda getur breyst til hækkanar við álagningu þeirra við innlögn byggingarnefndarteikninga.

Með úthlutunar- og útboðsskilmálum fyrir sölu byggingarréttar undir íbúðar- og atvinnuhúsnæði á lóðinni Hlésgötu 1 í Reykjavík, frá júní sl., var byggingarréttur undir íbúðar- og atvinnuhúsnæði á lóðinni boðinn út. Alls bárust 2 gild tilboð og var M3 fasteignaþróun ehf. hæstbjóðandi.

Lóðin telst vera byggingarhæf. Gjalddagi gatnagerðargjalda og eftirstöðva byggingarréttarins er 45 dögum eftir staðfestingu borgarráðs á úthlutun lóðarinnar. Ef M3 byggingarþróunarfélag ehf. innir ekki af hendi greiðslu kaupverðs byggingarréttarins og gatnagerðargjalda innan tilgreindra fresta fellur úthlutun lóðarinnar niður með afturköllun borgarráðs á úthlutuninni. Sama á við ef framkvæmdafrestir eru ekki virtir.

Að öðru leyti en hér segir vísast til úthlutunarskilmálanna. Auk úthlutunarskilmála fyrir lóðina Hlésgata 1 gilda almennir lóða- og framkvæmdaskilmálar frá júní 2013, https://reykjavik.is/sites/default/files/skjol_thjonustulysingar/2015uthlutunarskilmalaralmennirloda-ogframkvaeemdaskilmalar_02072015.pdf, og deiliskipulag fyrir lóðirnar Hlésgata 1 og 2 (lóðir 03 og 04 samkvæmt deiliskipulagsuppdráetti sem tók gildi með auglýsingu í B-deild Stjórnartíðinda hinn 3. júní 2024 ásamt upphaflegri greinargerð með deiliskipulagi sem gildir að öðru leyti en því sem fram kemur í síðari deiliskipulagsbreytingum og gildandi reglugerðum.

Ívar Örn Ívarsson
skrifstofa borgarstjóra og borgarritara

Fylgiskjöl:

- Úthlutunarskilmálar fyrir sölu byggingarréttar undir íbúðar- og atvinnuhúsnæði á lóðinni Hlésgata 1 í Reykjavík, frá júní 2024.
- Fundargerð vegna Hlésgötu 1 dags. 5. júlí 2024.


Árið 2024, þann 5. júlí kl. 12:01 voru bókuð inn tilboð vegna auglýsingar Reykjavíkurborgar um sölu byggingaréttar við lóðina **Vesturbugt - Hlísgata 1.** Opnunin var framkvæmd rafrænt á vefsþáði útboðsvefjar Reykjavíkurborgar. www.utbod.reykjavik.is. Fundargerð ritaði Ívar Örn Ívarsson.

Alls bárust tvö tilboð.

Reir ehf.	kr.	1.375.730.000
M3 fasteignapróun ehf.	kr.	1.782.500.000

Fundi slitið kl. 12.08

ÚTHLUTUNAR- OG ÚTBOÐSSKILMÁLAR
Fyrir sölu byggingarréttar íbúðar- og atvinnuhúsnæði á
lóðinni Hlésgata 1 (lóð 03) í Reykjavík



Júní 2024

Efnisyfirlit

1.	Útboð byggingarréttar	3
1.1.	Almenn lýsing á lóð og byggingarrétti	3
1.2.	Hæfi tilboðsgjafa	3
1.3.	Kaupréttur Félagsbústaða hf. og Félagsstofnunar stúdenta á íbúðum að Hlésgötu 1	4
1.3.1.	Kaupréttur Félagsbústaða hf.....	4
1.3.2.	Kaupréttur Félagsstofnunar stúdenta	5
1.3.3.	Sameiginleg ákvæði um kauprétt	6
1.4.	Gildandi deiliskipulag, skilmálar og tilboðsblöð	6
2.	Tilboð í byggingarréttinn	7
2.1.	Söluverð byggingarréttar og staðfestingargreiðsla	7
2.2.	Byggingarhæfni lóðar og lagnir	7
3.	Tilboð	8
3.1.	Sameiginleg ákvæði um tilboðsgjafa og tilboð	8
3.2.	Skyringar á útboðsgögnum	8
3.3.	Skil á gögnum um fjárhagsstöðu, fjármögnun lóðar og byggingarframkvæmda	9
3.4.	Sampykkt tilboða	9
4.	Almenn ákvæði	9
4.1.	Samningsgerð	9
4.2.	Áhrif skipulagsbreytinga á söluverð byggingarréttar	10
4.3.	Önnur gjöld	10
4.4.	Framsal byggingarréttar	11
4.5.	Veðheimildir	11
4.6.	Lóðarleigusamningar	11
5.	Tímafrestir, vanefndir, riftun og viðurlög	11
5.1.	Greiðslufrestur, vanskil og viðurlög við þeim	11
5.2.	B-dagur, framkvæmdafrestur, viðurlög við brotum og riftunarheimildir	11

1. Útboð byggingarréttar¹

Reykjavíkurborg leitar eftir kauptilboðum í byggingarrétt fyrir íbúðar- og atvinnuhúsnaði á lóðinni Hlésgötu 1 í Reykjavík (svæði 03 samkvæmt deiliskipulagsuppdrætti), landeignanúmer 226171 (lóðin).

1.1. Almenn lýsing á lóð og byggingarrétti

Lóðin er um 5.620 fermetrar (m^2) að stærð og er heimilt að byggja á henni allt að 110 íbúðir í 2-5 hæða í húsum í randbyggð. Heildarbyggingarmagn lóðarinnar er 17.120 m^2 , sem skiptist með þeim hætti að alls um 10.710 m^2 eru íbúðarhúsnaði, um 790 m^2 eru atvinnu- og þjónustuhúsnaði, og allt að 5.620 m^2 eru kjallararými.

Bílastæði og hjólastæði skulu vera í kjallara og á lóð fyrir íbúa, fyrirtæki í húsinu, gesti, fatlað fólk og delibíla. Fjöldi bílastæða og hjólastæða er skilgreindur í deiliskipulagi.

Á borgarlandi, við Spilhúsastíg, Hlésgötu og Rastargötu, eru 14 sérgreind bílastæði fyrir lóðirnar Hlésgötu 1 og 2.

Lóðarhafi skal ganga frá lóð í samræmi við ákvæði í deiliskipulagi. Lóðin er skilgreind sem almenningsrými, öllum opin og markmið er að rýmið verði fjölbreytt og líflegt. Almenningur skal hafa óheftan aðgang að lóðinni. Húseigendur kosta viðhald og rekstur lóðarinnar. Gönguleiðir innan lóðar skulu vera með snjóbræðslu.

Auk þess fylgja með lóðinni þrjár lóðir sem eru um 25 m^2 , ætlaðar fyrir djúpgáma fyrir heimilissorp reitsins. Vætanlegum lóðarhafa ber að kosta kaup og frágang þessara gáma. Um reglur um djúpgáma, frágang þeirra og rekstur fer samkvæmt samþykkt um meðhöndlun úrgangs í Reykjavíkurborg nr. 644/2022 sem er hluti skilmála þessara.

Hönnun mannvirkja og frágangur lóðar skal fylgja ákvæðum deiliskipulags, sem er hluti skilmála þessara.

1.2. Hæfi tilboðsgjafa

Tilboðsgjafar sem reglur þessar taka til geta verið íslenskir ríkisborgarar og aðrir sem uppfylla skilyrði 1. gr. laga nr. 19/1966 um eignarrétt og afnotarétt fasteigna með síðari breytingum. Aðeins lögaðilar geta boðið í byggingarréttinn.

Hverjum lögaðila er óheimilt að gera fleiri en eitt tilboð í byggingarrétt lóðarinnar. Óheimilt er að gera tilboð í nafni mismunandi lögaðila ef eigandi lögaðilanna er sá sami. Það telst vera sami eigandi ef hann á ráðandi eignarhlut í fleiri en einum lögaðila sem gera tilboð í byggingarrétt lóðarinnar.

Fleiri en einum lögaðila er heimilt að standa sameiginlega að tilboði í byggingarréttinn. Í þeim tilvikum þurfa allir lögaðilarnir sem standa sameiginlega að tilboði að uppfylla öll skilyrði útboðsins. Standi fleiri

¹ Útboð merkir í skilmálum þessum þegar Reykjavíkurborg (seljandi) leitar skriflegra, bindandi tilboða í byggingarrétt sem verið er að bjóða út. Tilboðanna er aflað frá fleiri en einum aðila, samkvæmt sömu upplýsingum og innan sama frests. Áskilinn er réttur til þess að hafna öllum tilboðum sem reynast of lág eða eru ófullnægjandi að öðru leyti. Lög um framkvæmd útboða nr. 65/1993 gilda ekki um þessa útboðsskilmála.

en einn lögaðili að tilboði og þeim er úthlutað lóðinni, bera þeir allir óskipta ábyrgð (in solidum) á greiðslum, framkvæmdum og öðrum skuldbindingum vegna viðkomandi lóðar.

1.3. Kaupréttur Félagsbústaða hf. og Félagsstofnunar stúdenta á íbúðum að Hlésgötu 1

Samkvæmt deiliskipulagi skulu að lágmarki 25% íbúða á lóðinni vera leiguíbúðir. Reykjavíkurborg skal eiga kauprétt af þessum leiguíbúðum. Kauprétturinn verður framseldur Félagsbústöðum hf. og Félagsstofnun stúdenta, sbr. ákvæði þessarar greinar. Félagsbústaðir hf. og Félagsstofnun stúdenta eru sameiginlega nefndir kaupréttarhafar í útboði þessu.

1.3.1. Kaupréttur Félagsbústaða hf.

Í húsum á lóðinni Hlésgata 1 eiga Félagsbústaðir hf., kt. 510497-2799, kauprétt á 7 íbúðum sem dreifa skal í nokkra stigaganga í húsum á lóðinni Hlésgötu 1. Hverri íbúð skal fylgja um 4 m² geymsla í kjallara.

Miðað skal við í kaupunum að stærðir íbúðanna séu með þeim hætti að tveggja herbergja íbúðirnar skulu vera á bilinu 50-55 m² að birtu flatarmáli að viðbættri geymslu. Skal stærð þriggja herbergja íbúða vera á bilinu 70-80 m² að birtu flatarmáli að viðbættri geymslu. Reynist ómögulegt að halda geymslum innan framangreindra stærðarmarka greiða Félagsbústaðir ekki fyrir þann hluta geymslunnar sem fer fram yfir stærðarmörk (dæmi: fyrir íbúð sem er skráð 57 m² þar sem íbúð er 50 m² íbúð og geymsla reynist 7 m² skal kaupverð reiknað líkt og íbúð sé 54 m²).

Félagsbústaðir hafa val um tegund íbúða og samráð skal haft um staðsetningar þeirra.

Íbúðum skal skilað fullbúnum og tilbúnum til notkunar og skal frágangur þeirra, efnisval og gæði vera sambærilegt við aðrar íbúðir af svipaðri stærð í sömu húsum. Íbúðum til Félagsbústaða skal skilað með harðparketi að viðurkenndri og vandaðri gerð.

Sameign húss og lóð skal vera full frágengin.

Kaupverð Félagsbústaða hf. vegna hvers birts fermetra á íbúð og geymslu er 585.000 kr. Framangreint kaupverð á fermetra er bundið við byggingarvísitölu maímánaðar 2024 (120,2 stig) og skal breytast í samræmi við þróun vísitölu þessarar til greiðsludags.

Lóðarhafar skulu bjóða Félagsbústöðum kauprétt með tölvupósti á netfangið kauprettur@félagsbústadir.is samhliða því að teikningar eru lagðar inn til byggingarfulltrúans í Reykjavík. Boð um kauprétt telst vera móttekið þegar kaupréttarhafi hefur staðfest móttöku tölvupóstins með sérstökum svarpósti til lóðarhafa við tölvupóstinum (staðfesting á því að tölvupóstur hafi verið sendur á uppgefið netfang telst ekki jafngilda móttöku). Kaupréttahafi hefur 45 daga frest til að tilkynna lóðarhöfum að hann hyggist nýta sér rétt sinn en ella fellur kauprétturinn niður. Fresturinn byrjar að líða fyrsta virka dag eftir að kaupréttarhafi hefur sent framangreindan tölvupóst um móttöku kaupréttarboðs.

Komi til kaupa skal kaupsamningur gerður um hverja íbúð innan 30 daga frá því að Reykjavíkurborg hefur samþykkt eignaskiptayfirlýsingu viðkomandi eignar og henni verið þinglýst af Sýslumanninum á höfuðborgarsvæðinu. Í kaupsamningi verða nánari ákvæði um kaupin, þ. á m. um staðsetningu íbúðanna, endanlega stærð þeirra og greiðslu kaupverðs. Greiðslum skal hártað með þeim hætti að við þinglýsingu kaupsamnings milli aðila er greitt 10% kaupverðs, við afhendingu þegar öryggisúttektarvottorð

byggingarfulltrúa hefur borist Félagsbústöðum er greitt 70% kaupverðs og afgangurinn við útgáfu afsals þegar lokaúttekt byggingarfulltrúa hefur farið fram og vottorð borist Félagsbústöðum.

Sérmerkt bílastæði í sameiginlegri bílageymslu fylgja ekki með kaupréttaríbúðum.

1.3.2. Kaupréttur Félagsstofnunar stúdenta

Í húsum á lóðinni Hlésgata 1 á Félagsstofnun stúdenta, kt. 540169-6249, kauprétt á 33 íbúðum á lóðinni Hlésgötu 1. Hverri íbúð skal fylgja um 2 m² geymsla í kjallara hússins.

Miðað skal við í kaupunum að stærð íbúðanna sé með þeim hætti að tveggja herbergja íbúðirnar skulu vera á bilinu 45-55 m² að birtu flatarmáli að geymslu meðtalinni. Skal stærð þriggja herbergja íbúða vera á bilinu 55-70 m² að birtu flatarmáli að geymslu meðtalinni. Reynist ómögulegt að halda geymslum innan framangreindra stærðarmarka greiðir Félagsstofnun stúdenta ekki fyrir þann hluta geymslunnar sem fer fram yfir stærðar mörk (dæmi: fyrir íbúð sem er skráð 46 m² þar sem íbúð er 39 m² íbúð og geymsla reynist 7 m² skal kaupverð reiknað líkt og íbúð sé 41 m²).

Félagsstofnun stúdenta hefur val um tegund íbúða og samráð skal haft um staðsetningar þeirra.

Íbúðum skal skilað fullbúnum og tilbúnum til notkunar og skal frágangur þeirra, efnisval og gæði vera sambærilegt við aðrar íbúðir af svipaðri stærð í sömu húsum. Um skil og frágang íbúða til Félagsstofnunar stúdenta fer að öðru leyti samkvæmt skilalýsingu Félagsstofnunar stúdenta, en drög að slíkri skilalýsingu eru fylgiskjal með útboðsskilmálum þessum. Heimilt er að víkja frá ákvæðum í skilalýsingu með sérstöku samkomulagi við Félagsstofnun stúdenta.

Sameign húss og lóð skal vera full frágengin.

Kaupverð Félagsstofnunar stúdenta vegna hvers birts fermetra á íbúð og geymslu er 750.000 kr. Þetta kaupverð á fermetra er bundið við byggingarvísitölu maímánaðar 2024 (120,2 stig) og skal breytast í samræmi við þróun vísitölu þessarar til greiðsludags.

Lóðarhafar skulu bjóða Félagsstofnun stúdenta á netfangið gudrun@fs.is samhliða því að teikningar eru lagðar inn til byggingarfulltrúans í Reykjavík. Boð um kauprétt telst vera móttekið þegar kaupréttarhafi hefur staðfest móttöku tölvupóstsins með sérstökum svarpósti til lóðarhafa við tölvupóstinum (staðfesting á því að tölvupóstur hafi verið sendur á uppgefið netfang telst ekki jafngilda móttöku). Kauprétt hafi 45 daga frest til að tilkynna lóðarhöfum að hann hyggist nýta sér rétt sinn en ella fellur kauprétturinn niður. Fresturinn byrjar að líða fyrsta virka dag eftir að kaupréttarhafi hefur sent framangreindan tölvupóst um móttöku kaupréttarboðs.

Komi til kaupa skal kaupsamningur gerður um hverja íbúð innan 30 daga frá því að Reykjavíkurborg hefur samþykkt eignaskiptayfirlýsingu viðkomandi eignar og henni verið þinglýst af Sýslumanninum á höfuðborgarsvæðinu. Í kaupsamningi verða nánari ákvæði um kaupin, þ. á m. um staðsetningu íbúðanna, endanlega stærð þeirra og greiðslu kaupverðs. Greiðslum skal háttað með þeim hætti að við þinglýsingu kaupsamnings milli aðila er greitt 10% kaupverðs, við afhendingu þegar öryggisúttektarvottorð byggingarfulltrúa hefur borist Félagsstofnun stúdenta er greitt 70% kaupverðs og afgangurinn við útgáfu afsals þegar lokaúttekt byggingarfulltrúa hefur farið fram og vottorð borist Félagsstofnun stúdenta.


Sérmerkt bílastæði í sameiginlegri bílageymslu fylgja ekki með kaupréttaríbúðum.

1.3.3. Sameiginleg ákvæði um kauprétt

Lóðarleigusamningur verður gerður þegar eignaskiptayfirlýsingur hefur verið þinglýst vegna kaupa kaupréttarhafa enda séu uppfyllt skilyrði fyrir útgáfu lóðarleigusamnings skv. grein 4.6.

1.4. Gildandi deiliskipulag, skilmálar og tilboðsblöð

Gildandi deiliskipulag fyrir lóðina er fylgiskjal með skilmálum þessum.



Deiliskipulagsbreytingar og upphafleg greinargerð gilda um uppbyggingu á lóðinni, þó að teknu tilliti til breytinga sem samþykktar hafa verið með deiliskipulagsbreytingu.

Ekki er skylt að bílakjallarinn nái að lóðarmörkum.

Um útboð á sölu byggingarréttar og úthlutun lóðarinnar gildir eftirsarandi:

- Úthlutunar- og útboðsskilmálar þessir.
- Deiliskipulag fyrir lóðirnar Hlésgata 1 og 2 (lóðir 03 og 04 samkvæmt deiliskipulagsuppdrætti), sem tók gildi með auglýsingu í B-deild Stjórnartíðinda dags. 3. júní 2024 ásamt upphaflegri greinargerð með deiliskipulagi sem gildir að öðru leyti en því sem fram kemur í síðari deiliskipulagsbreytingum og gildandi reglugerðum.
- Mæliblað, dags. 7. júní 2024.
- Drög að skilalýsingu Félagsstofnunar stúdента vegna kaupréttar á íbúðum.
- Samþykkt um meðhöndlun úrgangs í Reykjavíkurborg nr. 644/2022.
- Almennir lóða- og framkvæmdaskilmálar Reykjavíkborgar frá 13. júní 2013.
- Tilboðsblað.

Gögn þessi má nálgast á vefsíðinni <http://utbod.reykjavik.is>.

Brýnt er að tilboðsgjafar kynni sér ítarlega efni framangreindra gagna, sem varða byggingarrétt, reglur og uppbyggingu á lóðinni. Í undirritun tilboðs felst yfirlýsing um að tilboðsgjafi hafi kynnt sér öll gögn, skilmála og fylgiskjöl sölu byggingarréttarins og er samþykkur þeim.

Fyrirvari: Sé ósamræmi milli deiliskipulags og þess sem hér kemur fram gilda ákvæði deiliskipulags. Ákvæði lóða- og framkvæmdaskilmála Reykjavíkurborgar víkja fyrir ákvæðum útboðsskilmála þessara að svo miklu leyti sem þau eru ósamrýmanleg.

2. Tilboð í byggingarréttinn

2.1. Söluverð byggingarréttar og staðfestingargreiðsla

Leitað er eftir kauptilboðum í allan byggingarrétt lóðarinnar Hlésgata 1 ofan- og neðanjarðar í samræmi við útboðsskilmála þessa. Auk greiðslu fyrir byggingarrétt þarf lóðarhafi að greiða gatnagerðargjöld² í samræmi við gildandi samþykkt Reykjavíkurborgar um gatnagerðargjald sem ákvarðast í samræmi við flatarmál þeirra bygginga sem heimilt er að reisa á lóðinni samkvæmt deiliskipulagi. Þá þarf lóðarhafi að greiða önnur gjöld, s.s. lögbundin gjöld, sbr. grein 4.3.

Gjalddagi gatnagerðargjalda og byggingarréttarins er 45 dögum eftir staðfestingu borgarráðs á úthlutun lóðarinnar.

Forsenda þess að umsókn tilboðsgjafa sé lögð fyrir borgarráð, sbr. grein 3.4., er að tilboðsgjafi hafi greitt staðfestingargreiðslu sem samsvarar 15% af fjárhæð fyrir byggingarréttinn innan þess frests sem hann hefur til þess að skila gögnum, sbr. grein 3.3. í skilmálum þessum. Berist staðfestingargreiðsla ekki innan tímafrests fellur tilboð sjálfkrafa niður. Komi til úthlutunar lóðarinnar til tilboðsgjafa gengur staðfestingargreiðsla upp í greiðslu tilboðsgjafa fyrir byggingarrétt á lóðinni, en að öðru leyti er hún óafturkræf.³

2.2. Byggingarhæfni lóðar og lagnir

Lóðin telst vera byggingarhæf. Tilboðsgjafa er ljóst að á lóðinni var rekinn skipaslippur og stálsmiðja sem kann að hafa áhrif á jarðveg á lóðinni. Athygli er vakín á því að Reykjavíkurborg hefur ekki framkvæmt eða látið framkvæma könnun á jarðvegi eða undirlagi lóðarinnar.

Lóðin verður afhent í núverandi ástandi, sem lóðarhafi hefur kynnt sér og sættir sig við. Reykjavíkurborg lætur fjarlægja lausamuni af lóðinni. Tilboðsgjafi skal kynna sér vel legu lagna á lóðinni.

Komi til þess að flytja þurfi eða fjarlægja jarðstrengi eða lagnir sem liggja kunna um lóðina, skal lóðarhafi greiða allan kostnað sem af því hlýst. Í borgarvefsjá kemur fram staðsetning lagna og strengja á lóðunum og í næsta nágrenni, nema lagna Mílu <https://www.mila.is/pantanir/panta-teikningar/>. Borgarvefsjána er að finna á vef Reykjavíkurborgar <https://reykjavik.is/borgarvefsja>.

² Gatnagerðargjöld pr. brúttó fermetra í fjölbýlishúsnaði miðað við byggingarvísitölu júnímánaðar 2024 er 16.205 kr. pr. m². Gatnagerðargjöld pr. brúttó fermetra í atvinnuhúsnaði miðað við byggingarvísitölu júnímánaðar 2024 er 28.208 kr. pr. m².

³ Hafni borgarráð að samþykkja úthlutun sem hefur verið lögð fyrir borgarráð á í samræmi við skilmála þessa verður staðfestingargreiðsla þó endurgreidd.

3. Tilboð

Hvert tilboð skal taka til alls byggingarmagns lóðarinnar samkvæmt samþykktu deiliskipulagi og vera án fyrirvara. Tilboð sem víkja frá því teljast ógild.

3.1. Sameiginleg ákvæði um tilboðsgjafa og tilboð

Útboðsgögn verða aðgengileg á útboðsvef Reykjavíkurborgar **frá kl. 11:00, fimmtudaginn 20. júní 2024**, á vefsíðinni: <http://utbod.reykjavik.is>. Nýskráning fyrirtækja hefst með því að smella á „Nýskráning“.

Tilboð lögaðila skal vera á sérstöku eyðublaði sem skrifstofa borgarstjóra og borgarritara leggur til og er aðgengilegt á útboðsvef Reykjavíkurborgar.

Tilboð skal fylla út í samræmi við leiðbeiningar á tilboðsblaði og skilmála þessa. Reynist tilboð ekki fyllt út í samræmi við framangreind ákvæði eða ef í tilboði eru gefnar rangar upplýsingar skal gefa tilboðsgjafa skamman frest til þess að bæta úr. Verði ekki bætt úr innan þess frests telst tilboð ófullnægjandi og því ógilt.

Tilboð skulu undirrituð af þeim sem hefur/hafa heimild til að skuldbinda viðkomandi lögaðila.

Undirrituðum tilboðum skal skila með rafrænum hætti á framangreindan útboðsvef Reykjavíkurborgar eigi síðar en kl. 12:00 föstudaginn 5. júlí 2024.

Með undirritun tilboðsgjafa á tilboð felst viðurkenning hans á því að hann hafi kynnt sér þá skilmála og reglur sem um lóðarúthlutunina gilda og sé reiðubúinn að hlíta þeim.

Niðurstaða útboðs verður birt á vef Reykjavíkurborgar <https://reykjavik.is/lodir>.

Til þess að tilboð verði talið gilt skulu öll eftirfarandi skilyrði vera uppfyllt:

- a. Að tilboðsgjafi uppfylli skilyrði samkvæmt reglum þessum.
- b. Að tilboð sé rétt útfyllt og í samræmi við leiðbeiningar og reglur þessar.
- c. Að tilboðsgjafi hafi skilað fullnægjandi fylgigönum.
- d. Að tilboð lögaðila sé undirritað af þeim sem hafa heimild til að skuldbinda lögaðilann.

Tilboðsgjafi er bundinn af tilboði sínu í two mánuði frá þeim degi sem tilboð eru opnuð.

3.2. Skýringar á útboðsgögnum

Tilboðsgjafi getur óskað eftir nánari upplýsingum eða skýringum á útboðsgögnum verði hann var við ósamræmi í gögnum sem haft getur áhrif á tilboðsfjárhæð. Tilboðsgjafi skal þá senda skriflega fyrirspurn í gegnum útboðsvef Reykjavíkurborgar **eigi síðar en kl. 12:00 28. júní 2024**.

Vakin er athygli á að allar fyrirspurnir verður að senda gegnum útboðsvef Reykjavíkurborgar. Fyrirspurnum sem berast með örðrum hætti verður ekki svarað.

Fyrirspurnir og svör við þeim verða sett á vefsíðuna <https://reykjavik.is/lodir> í síðasta lagi 2 virkum dögum fyrir lok tilboðsfrests. Allar fyrirspurnir og svör Reykjavíkurborgar verða hluti af útboðsgögnum.

3.3. Skil á gögnum um fjárhagsstöðu, fjármögnun lóðar og byggingarframkvæmda

Innan **15 daga** frá tilkynningu Reykjavíkurborgar um að tilboðsgjafi hafi verið hæstbjóðandi skal skila til skrifstofu borgarstjóra og borgarritara í Ráðhúsi Reykjavíkur eftirfarandi gögnum varðandi fjárhagsstöðu tilboðsgjafa, fjármögnun lóðar og byggingarframkvæmda.

Lögaðilar skulu leggja fram eftirtalin gögn:

1. Lánsloforð eða fyrirvaralausa yfirlýsingu banka eða annars fjármálafyrirtækis um fjármögnun framkvæmda, þar með talið gjalda vegna lóðar, sem ber með sér að tilboðsgjafi geti staðið undir þeiri fjárfestingu sem áætluð er vegna byggingarframkvæmda, gatnagerðargjalds og kaupa á byggingarrétti.
2. Áritaða ársreikninga síðustu tveggja ára, eða, ef við á, ársreikning ársins á undan ásamt árshlutareikningi vegna síðasta árs, sem sýnir jákvæða eiginfjárstöðu.
3. Staðfestingu viðkomandi lífeyrissjóða um að tilboðsgjafi sé ekki í vanskilum með afdregin lífeyrissjóðiðgjöld starfsmanna sinna á tilboðsdegi.
4. Staðfestingu viðkomandi innheimtuaðila á því, að tilboðsgjafi sé ekki í vanskilum með opinber gjöld, þ.e. skatta (þ.m.t. virðisaukaskatt), útsvar eða fasteignagjöld eða að vanskil hans nemi lægri fjárhæð en 75.000 kr.

Með vísan til 9. gr. upplýsingalaga nr. 140/2012 skal farið með einka- og fjárhagsmálefni tilboðsgjafa, sem sanngjarnit er og eðlilegt að leynt fari, sem trúnaðarmál.

Heimilt er að framlengja þennan frest, að beiðni tilboðsgjafa, ef Reykjavíkurborg telur málefnalegar ástæður vera fyrir hendi. Skili tilboðsgjafi ekki gögnum innan tímafrests fellur tilboð hans sjálfkrafa niður.

3.4. Samþykkt tilboða

Berist fullnægjandi upplýsingar samkvæmt grein 3.3. innan tilskilins tíma og staðfestingargreiðsla samkvæmt grein 2.1. hefur verið greidd, er óskað eftir samþykki borgarráðs fyrir úthlutun lóðarinna og sölu byggingaréttar á henni til viðkomandi tilboðsgjafa.

Hæsta gilda tilboð verður lagt fyrir borgarráð til afgreiðslu. Verði tvö eða fleiri gild tilboð jafn há, ræður hlutkesti.

Áskilinn er réttur til þess að hafna öllum tilboðum sem reynast of lág eða teljast ófullnægjandi að öðru leyti. Hafi tilboðsgjafi áður fengið úthlutaðri lóð án þess að hafa hafið þar framkvæmdir áskilur Reykjavíkurborg sér rétt til þess að útiloka viðkomandi frá úthlutun á lóð. Sami áskilnaður gildir hafi tilboðsgjafi áður fengið úthlutaðri lóð og ekki staðið við greiðsluskuldbindingar sínar gagnvart Reykjavíkurborg. Áskilinn er réttur til að hafna tilboðum ef tilboðsgjafi er ekki í skilum með opinber gjöld eða í vanskilum við Reykjavíkurborg.

4. Almenn ákvæði

4.1. Samningsgerð

Ef tilboðsgjafi fullnægir ekki skilyrðum um fjármögnun fyrir kaupum á byggingaréttinum og byggingarframkvæmdum fellur tilboð hans sjálfkrafa niður.

Þegar borgarráð hefur samþykkt tilboð tilboðsgjafa með úthlutunarbréfi borgarráðs telst kominn á bindandi kaupsamningur og kaupréttur á grundvelli og í samræmi við grein 1.3. í útboðslýsingu þessari. Í úthlutunarbréfi verða ákvæði um heimild borgarráðs til að afturkalla lóðarúthlutun komi til vanefnda lóðarhafa á greiðslum og skyldum til framkvæmda.

Um er að ræða sölu á byggingarrétti, en ekki á lóðinni sjálfri og verður því gerður lóðarleigusamningur um lóðina sem í hlut á, sem kveður nánar á um réttindi og skyldur lóðarhafans og sýnir hann jafnframt þær kvaðir sem um lóðina gilda.

Samhliða lóðaleigusamningi skal útbúin og þinglýst kvaðayfirlýsingu varðandi kauprétt, um frágang og umferðarrétt um lóðar, og um djúpgáma, sbr. ákvæði skilmála þessara.

4.2. Áhrif skipulagsbreytinga á söluverð byggingarréttar

Ekki er gert ráð fyrir breytingum á deiliskipulagi lóðar eftir að byggingarréttur á henni hefur verið seldur. Skipulagsbreyting að ósk lóðarhafa leiðir aldrei til lækkunar söluverðs byggingarréttar.

Ef samþykkt verður breyting á deiliskipulagi að ósk lóðarhafa, sem felur í sér aukinn byggingarrétt á lóð eða breytta húsagerð (t.d. úr atvinnuhúsnæði í íbúðarhúsnæði), áskilur Reykjavíkurborg sér rétt til að endurskoða söluverð byggingarréttar á viðkomandi lóð, og/eða að innheimta greiðslu fyrir aukinn byggingarrétt á grundvelli útboðsverðs, eða með hliðsjón af söluverði sambærilegs byggingarréttar á nálægum lóðum. Ef ekki liggur fyrir markaðsverð byggingarréttar á viðkomandi lóð/nálægum lóðum þá skal það metið af óvilhöllum sérfræðingi, tilnefndum af Reykjavíkurborg.

Ákvæðið felur ekki í sér vilyrði fyrir breytingum á deiliskipulagi. Verði samþykkt meira byggingarmagn á lóðinni, en tilgreint er í skilmálum þessum, skal jafnframt greiða viðbótargatnagerðargjald, þegar byggingarnefndarteikningar hafa verið samþykktar og áður en byggingarleyfi er gefið út. Viðbótargatnagerðargjald vegna flatarmáls húss umfram viðmiðunarstærð tilboðs skal vera samkvæmt samþykkt um gatnagerðargjald í Reykjavíkurborg á hverjum tíma.

Nýti lóðarhafi ekki að fullu hámarksbyggingarrétt lóðar á hann hvorki rétt á endurgreiðslu hluta byggingarréttargjaldsins né gatnagerðargjalds.

4.3. Önnur gjöld

Byggingarleyfisgjald, úttektargjöld, skipulagsgjald, bílastæðagjald⁴ og önnur slík gjöld skulu greiðast af lóðarhafa, eftir því sem við á, í samræmi við reglur og eftir þeim gjaldskrám sem gilda hverju sinni, sjá <http://reykjavik.is/gjaldskrar/byggingarleyfisgjold> og V. kafla skipulagslaga nr. 123/2010.

Fasteignagjöld greiðast við útgáfu lóðarleigusamnings en reiknast frá úthlutun lóðar.

Tengigjald fráveitu og önnur heimlagnagjöld Veitna er að finna á heimasíðu fyrirtækisins (tengigjöld hitaveitu og rafmagns, sjá www veitur.is/verdskrar).

⁴ <https://www.stjornartidindi.is/Advert.aspx?RecordID=9163e797-71b4-4ee9-be9e-0500c81588de>

4.4. Framsal byggingarréttar

Kaupanda byggingarréttar er óheimilt að framselja byggingarrétt sinn á lóð fyrr en kjallari húsa á lóðinni hafa verið uppsteypir, kaupsamningar vegna kaupréttar, sbr. gr. 1.3, hafa verið undirritaðir og lóðarleigusamningur hefur verið útgefinn, sjá annars gr. 4.6.

Sérstök athygli er vakin á því að Reykjavíkurborg er ekki skuldbundin til þess að taka við lóð og endurgreiða lóðarhafa verð byggingarréttar, þ.m.t. gatnagerðargjald og önnur gjöld, þótt lóðarhafi hætti af einhverjum ástæðum við að byggja á lóð sinni, sbr. einnig lokamálslið greinar 1.14. í almennum lóða- og framkvæmdaskilmálum frá 13. júní 2013.

4.5. Veðheimildir

Áður en gerður hefur verið lóðarleigusamningur um lóð er lóðarhafa ekki heimilt að veðsetja byggingarrétt sinn, nema að fengnu sérstöku skilyrtu veðleyfi. Veðleyfi verður ekki gefið út nema öll gjöld vegna lóðar hafi verið greidd. Veðleyfið getur aldrei numið hærri fjárhæð en andvirði byggingarréttarins fram að því tímamarki að lóð er ógreidd.

Beiðni um veðleyfi skal beint til **skrifstofu borgarstjóra og borgarritara**, Ráðhúsi Reykjavíkur.

4.6. Lóðarleigusamningar

Lóðarleigusamningur fyrir lóðina verður gerður þegar kjallari húsa á lóðinni hefur verið uppsteypur og kaupverð byggingarréttar og öll gjöld sem lögð hafa verið á lóðina frá úthlutun hennar, þ.m.t. gatnagerðargjöld, fasteignagjöld og önnur sambærileg gjöld, hafa verið greidd. Lóðarhafi skal snúa sér til **skrifstofu borgarstjóra og borgarritara**, Ráðhúsi Reykjavíkur, til þess að fá útgefinn lóðarleigusamning. Lóðarhafi ber kostnað af þinglýsingu lóðarleigusamninga.

Lóðarleigusamningur verður aðeins gerður við lóðarhafa sem fær úthlutað lóðinni og er því óheimilt að ráðstafa lóðinni með sölu, veðsetningu eða á annan sambærilegan hátt án samþykkis Reykjavíkurborgar fyrr en lóðarleigusamningur hefur verið gefinn út.

Byggingarleyfi verður ekki útgefið, nema öll gjöld vegna húsbyggingarinnar hafa verið greidd í samræmi við útboðslýsingu þessa.

5. Tímafrestir, vanefndir, riftun og viðurlög

5.1. Greiðslufrestur, vanskil og viðurlög við þeim

Ef kaupandi byggingarréttar, sem skilmálar þessir taka til, innir ekki af hendi greiðslu kaupverðs byggingarréttarins innan fresta skv. grein 2.1., fellur úthlutun lóðarinnar niður með afturköllun borgaráðs á úthlutuninni.

5.2. B-dagur, framkvæmdafrestur, viðurlög við brotum og riftunarheimildir

Upphof framkvæmdafresta miðast við byrjunardag tímafresta (nefnt B-dagur í almennum lóða- og framkvæmdaskilmálum Reykjavíkurborgar dags. 13. júní 2013). B-dagur er annað hvort:

- Dagsetning lóðarúthlutunar, enda liggi fyrir að lóðin sé byggingarhæf. Þess er þá getið í úthlutunarbréfi.

- b) Ef lóð er ekki byggingarhæf við úthlutun gildir dagsetning sérstakrar tilkynningar skrifstofu borgarstjóra og borgarritara til lóðarhafa um að lóðin sé orðin byggingarhæf.

Almennir framkvæmdafrestir samkvæmt almennum lóða- og framkvæmdaskilmálum Reykjavíkurborgar dags. 13. júlí 2013 gilda ekki um lóðarúthlutun þessa.

Sérstakir framkvæmdafrestir gilda um uppbyggingu á lóðunum Hlésgata 1 og 2, sem eru eftirfarandi:

1. Lóðarhafi skal hafa skilað inn fyrirspurnarteikningum til embættis byggingarfulltrúans í Reykjavík eigi síðar en 9 mánuðum eftir B-dag.
2. Aðaluppdrættir húss og lóðar skulu hafa borist embætti byggingafulltrúans í Reykjavík til samþykktar eigi síðar en 12 mánuðum eftir B-dag.
3. Undirstöður og plata skulu steypt eigi síðar en 18 mánuðum eftir B-dag.
4. Eigi síðar en 30 mánuðum eftir B-dag skal lóðarhafi hafa gert hús fokhelt, sbr. ÍST 51:2001, byggingarstig 4.
5. Eigi síðar en 42 mánuðum eftir B-dag skal lóðarhafi hafa lokið frágangi innanhúss og fullnaðarfrágangi byggingar að utan í samræmi við samþykkta aðal- og sérupplærði.
6. Eigi síðar en 48 mánuðum eftir B-dag skal lóðarhafi hafa gengið frá yfirborði lóðar og öllum frágangi við lóðarmörk í samræmi við samþykkta aðal- og sérupplærði.

Virði lóðarhafi ekki þessi ákvæði um tímafresti um upphaf framkvæmda getur Reykjavíkurborg rift samningi um sölu viðkomandi byggingarréttar og afturkallað lóðaúthlutunina. Fer þá um endurgreiðslu eins og segir í 3. og 4. mgr. greinar 1.14. í almennum lóða- og framkvæmdaskilmálum.

Stöðvist byggingarframkvæmdir eða dragist umfram viðeigandi framkvæmdafresti og lóðarhafi sinnir ekki tilmælum eða áskorunum byggingarfulltrúa um að halda þeim áfram, getur byggingarfulltrúi og Húsnæðis- og mannvirkjastofnun beitt þvingunarúrræðum samkvæmt X. kafla laga nr. 160/2010 um mannvirki og 2. og 3. mgr. í grein 2.9.2 í byggingarreglugerð nr. 112/2012 um dagsektir og framkvæmdir á kostnað lóðarhafa.

Leiði brot á ákvæðum um framkvæmdafresti til kostnaðar fyrir Reykjavíkurborg vegna ráðstafana sem ella væru óþarf, en sem grípa þarf til vegna dráttarins eða vanefnda lóðarhafa, áskilur Reykjavíkurborg sér rétt til að innheimta kostnaðinn hjá lóðarhafa á hverjum tíma.